



Page: 7

Reach: 0

Country: BOSNIA AND HERZEGOVINA

Size: 84 cm2

1 / 1

I SIPA u istrazi ubistva Klice



D. SLADOJEVIĆ

SARAJEVO, ZAGREB - Istraga o ubistvu Vinka Žuljevića Klice, penzionisanog oficira HVO-a, koji je likvidiran u Zagrebu, "prešla" se i u BiH, nakon što je hrvatska policija od Državne agencije za istrage i zaštitu (SIPA) zatražila da izvrši određene provjere, čiji je cilj da se rasvijetli ovo krivično djelo.

Aktivnosti SIPA u BiH na ovom slučaju obavijene su još ve- lom tajne, ali su nam ipak u toj agenciji potvrdili da su tražene provjere realizovali, te o svemu obavijestili kolege u susjednoj državi.

"Po zahtjevu MUP-a Hrvatske, SIPA je vršila određene provjere u konkretnom slučaju, nakon čega je rezultate dostavila MUP-u Hrvatske. SIPA je u stal-

nim kontaktima sa istražnim organima Hrvatske, sa kojima imamo odličnu saradnju, i u slučaju novih zahtjeva, odmah ćemo rea-

DOSUJE
Bio je i pod istragom zbog sumnje da je umiješan u ratne zločine

govati", naglasila je juče Kristina Jozić, v.d. portparola SIPA.

Ove provjere, inače, logičan su slijed događaja, ako se zna da je Žuljević ponjeklom iz Gornjeg Vakufa, a prema podacima Tužilaštva BiH, on je bio i pod istragom zbog sumnje da je umiješan u ratne zločine koji se odnose na ratna dešavanja u Bugojnu. Klica je juče sahranjen u Zagrebu.

Žuljević je likvidiran u sače-

kuši u nedjelju u Glavnoj ulici u zagrebačkim Sesvetama, i to nakon što su, kako tvrde očevidci, nepoznati i naoružani muškarci sišli s motocikala te Klicu izvukli iz automobila.

Očevidci tvrde da su čuli nekoliko pucnjeva iz oružja, te da su se, nakon paljbe, napadači motociklima udaljili s mjesta događaja.

Prema pisanju zagrebačkih medija, Žuljević je bio na glasu kao jedan od najopasnijih ljudi u Zagrebu i povezivali su ga sa zagrebačkim mafijaškim podzemljem. Javnosti je postao poznat tokom sudenja za ubistvo Veselina Marinova, u kojeg je ispucao više hitaca, ali je oslobođen svih optužbi.